

卷萬二千九百七十一

重錄總校官侍郎臣秦鴻富

學士臣胡正蒙

分校官編修臣陶大臨

書寫儒士臣李永考

圖點監生臣徐浩

臣管希仲

永樂大典卷之一萬二千九百七十一 一送

宋 寧宗十六

宋軍輔編年錄開禧三年子卯正月辛卯立密院簽書樞密院事。密自開禧二年十一月除簽書樞密院事。是年正月罷。位樞府兩月。時侍御史徐枬論宗與宮觀未幾未貸再論密職依舊官觀。公既拜簽樞督視之命。時虜兵攻廬州城。由琳拒退之。既而圍逼和州。公遣援兵救之。和州圍既解。虜乃悉兵圍六合。郭倪聞六合被圍。虜兵漸近。儀真遠托言點檢瓜洲。棄揚州而遁。且誘選卒精仗自隨。公聞之。遣人責書檄切責。令還戍。倪不得已再還城中。會報倪出兵萬人。使郭倪等統率策應六合。倉卒進發。更不稟命。公大駭。時方委招撫司主管機宜文字。陳瑋等充小使以行議。欲權宜講解。而此舉與小使以所議政相矛盾。殊患之。郭倪至儀真。與虜遇。戰不利。公訴於朝。且自引失職之咎。愿數郭倪革欺蔑督府。略不關白。以至喪師辱國等罪。合加顯戮。不知此舉。迺倪革與權臣密議。表裏為之。欲微倖一勝。以蓋前日逗撓失亡之罪也。會倪復走瓜洲。公遂按倪罪狀奏乞賜誅。殛。

權臣曲為之地。倪但追三寔安置南康軍而已。小使回具言此後雖沮於用兵而虜情大略欲和。公奏記廟堂以為兩淮蹂踐至此。乞自朝廷移書虜張以續前議。又謂虜指權臣為允謀。若移書宜暫免繫銜。權臣由是大怒。有督府不相容語。公蹤跡益危矣。會謀報諸處虜兵漸退。丁卯元日。詔知樞密院事張巖督視江淮軍馬。公赴院供職。時虜有詔回兵且約議和。公即日還鄉。以御史疏提舉洞霄宮。繼以諫坡疏落端明。

四月戊辰。錢象祖奏知政事。自資政殿學士提舉萬壽觀兼侍讀。除十一月甲戌。兼知樞密院事。

九月丙申。張巖罷知樞密院事。巖自嘉泰四年十月除參知政事。開禧二年七月除名樞密院事。是年九月罷。併督視江淮軍馬。除職與郡執政。凡三月。臣僚以巖寅緣求脫全璧里居。上言韓侂胄妄起兵端。巖實在樞府。唯恐少拂其意。而遂隙由此。遂開墮閑督府。而深居簡出。徒費朝廷三百七十餘萬緡。不知所成者何事。亡命敢死。過以不能犒勞為恨。乞重賜錫點。十一月巖降兩宮。徽州居佚。

十一月甲戌。韓侂胄罷平章軍國事。制曰。朕圖回機政。委用柄臣。逮至適安。所賴經邦之略。乃小任重。難逃誤國之辜。揆以群情。舊由獨斷。爰誕

數於顯果。庸教告於治朝。其官韓仇曹。蚤以勲門。浸登顯路。久周旋於軒
墜。適際會於風雲。服勞王家。意前人之是似。與問國政。殆故事之所無。位
極王公。任兼文武。宜思靡盬之義。用答非常之恩。而乃植黨擅權。邀功生
事。不擇人而輕信。不量已而妄為。敗累世之雠盟。致兩國之交惡。三軍暴
骨。萬姓傷心。列聖有好生之經。爾則專於嗜殺。眇躬有悔過之實。爾則務
為飾非。公肆誕謾。曾靡顧忌。遂致敵人之未戢。專以首謀。而為言臨機果
料敵明。既無半策。得君專行。政久徒積。眾愆。僅令尚處於廟堂。何以迄安
於社稷。欲存大體。姑畀真祠。庸少慰於多方。以一新於庶政。於戲。威福惟
辟。朕方親總於大權。明哲保身。爾尚自圖於終吉。往其祗若。茲謂優容。
良辭詞。仇曹自開禧元年七月拜平章軍國事。是年十一月罷。居位二
年餘。詔曰。朕德不明。信任非人。韓仇曹懷奸擅朝。威福自己。劾制上下。
首開弊端。以致兩國生靈。肝腦塗地。興言及此。痛切于衷。矧復怙惡罔悛。
負國彌甚。疎忌忠謹。廢公徇私。氣餒所加。道路以目。今邊戍未解。慈謫孔
滋。凡百掣紳。消諸將士。當念前日過舉。皆仇曹欺罔專恣。非朕本心。今既
罷逐。一正權綱。各思勉旃。為國宣力。飭兵謹備。以圖休息。稱朕意焉。給事
中雷孝友劄子。乞誅竊得旨。韓仇曹久任國柄。粗營勦勞。但輕信妄為。輒

啓兵端使南北生靈枉罹凶害。今敵情已測。專以首謀為言。不令退避。無以離好。息民可罷。平章軍國事。與在外宮觀。目下出國門。臣僚上言亦乞誅竄。遂責授和州團練副使。送郴州安置。中書舍人衛湜再進劄子。改送英德府安置。臣僚上言仇貴始以肺腑賞緣。其身閥職典司賓贊之事。不過若此而已。光宗皇帝以父傳子。加以慈福重閭之眷。仇貴乃以預閤內。彈為功。竊取大權。自是以後。無復顧忌。童奴濫授以節鉞。嬖妾竊藉于宮庭。勅造亭館。震驚太廟之靈。燕樂笑語。徹聞神御之所。其始也。朝廷施設。悉令稟命。其後也。託以臺諫大臣之薦。盡取軍國之權。決之於己。且如御前金牌。祖宗專法。諱內侍省。乃多目其家私。發遣至於調發人馬。軍期急報。並不奏知。此豈征伐自天子出之義。竊弄威柄。妄開兵隙。至如與逆賊結為死黨。假之節鉞。復授以全蜀兵權。賊之叛逆。罪將誰歸。遂除名送吉陽軍安置。又上言乞將韓侂冑家財產。盡行籍沒。拘收封樁庫。專為還備之用。得旨依又得旨韓侂冑罪惡貫盈。合行誅戮。以時忠貞。世載忠嘉。持在常典。姑從貶竄。今已身故。可令臨安府棺殮。許於本家先塋歸葬。同日陳自強罷右丞相。制曰。朕久任一相。併司五兵。以道事君。所冀資襄之益。朋茲罔上。乃辜委寄之隆。殊弗嚴鑒。宜從策免。茲奮由於獨斷。庸

播告於群工。其官陳日強。起自諸生。蠲膺大任。本謂東之有沉孚之略。堅
用是宜。豈期胡廣無害直之風。優禮何補。粵從言路。進東國鈞。不思沃心
之忠。徒附炎手之勢。以容容為上策。以唯唯為善謀。貨賂公行。廉耻俱喪。
鍾鳴漏盡。而行且弗止。罪折餽覆。而任何以勝。暨權臣輕啓於罽端。與隣
境領事於和好。內郡疲於糧餉。邊城獸於干戈。誰無憂時之心。獨為保位
之計。擬而言議。而動悉付括囊。危不持顧。不依殆成。撓棟。儻不亟從。於退黜
必將愈積於罪愆。爰解釣權。俾奉香火。猶以股肱之舊。務全體貌之存。於
戲乞骸骨。以避賢已。昧滿盈之戒。歸田里而思過。無忘循省之誠。仰服寬
恩。益祗明訓。章氏註詞自強。自嘉泰三年五月拜右丞相。是年十一月
罷。入相四年餘。給事中劉子乞誅竄得旨。陳自強何附元位。不卹國事。可
罷。右丞相。日下出國門。臣僚上言。切見右丞相陳自強。素行污濁。老益貪
鄙。唯仇冑之意。是徇。仇冑始雖招權。猶奉內祠。凡所設施。高閣廟堂。自強
巧為柔佞。上表力請平章軍國。用兵一事。舉國以為不可。而自強曲為附
和。力援私黨。占據言路。以脅制天下之公議。計其罪惡。與仇冑相去無幾。
得旨追三官。送永州居住。中書舍人劉子又乞誅竄。遂責授武泰軍節度
副使。依舊永州居住。嘉定元年四月。臣僚復上言。責授武泰軍節度副使。

韶州安置。韶州安置賁詞曰宋由之為太尉漢嚴阿黨之誅元載之典中書唐正姦賊之戮朕恪遵成憲優待過縣雖二咎之並彰固群情之同嫉姑從貶逐猶示涵容特進奉國公陳日強晚玷班行未離選調徒以權臣之私睚驟叨政路之寵榮德薄位尊第知既得而患失日暮途遠奚止倒行而逆施已共系於朝綱復助闇於造隙肆為豪覈剝致釋騷人皆懷憂國之心領輸忠藎爾獨徇營私之計專事貪饕賄賂交于廟堂請託遍于州縣子孫紛競道路駭聞朕方躬攬福威載明黜陟差收選於叩綬俾退處於田廬國典未伸人言咎至惟舜流四罪蓋深惡於不仁而周制九刑亦首懲於毀則肆稽古諱仍酌近規責以散寬屏之偏郡以少舒於輿議以敦告于多方噫設廉恥以遇臣朕固素隆於體貌去仁義以懷利爾惟自抵于譴訶住省前愆母重後悔臣僚繳奏自強與仇胄其罪實等號曰二凶仇胄先已籍家又復斬首而自強曾無續次施行則刑為不均矣未敢書讀奉聖旨陳自強朋奸誤國贖貨徇私罪大責輕公論未嚴可責授復州團練副使改送雷州安置仍籍沒家財

同日李壁罷參知政事壁自開禧二年七月除參知政事是年十一月罷乞出除職與郡執政一年餘臣僚上言乞賜追寢李壁除職與郡之命

持行竄竄壁昨自蜀中召還仇胄即倚為心腹事無巨細必與之謀壁懷
鄙夫患失之心趨和奉承無所不至躡躡驟進既得所欲國家之安危休
戚俱不暇問仇胄初除平章討論故事盡出於壁開邊之議壁贊贊之當
兵事欲興之時出師已有定期在廷搢紳皆未之聞壁則無不與議所頒
詔命壁亦先期撰述心知物議不以為可每與士大夫言亦相感顧謂當
諫止及對仇胄語則不然反覆譎詐若可欺人自知不容掩者乞追奪秦
檜官爵不論其專恣無君乃咎其力主和議云云臣僚再論秦旨李壁除
兩官送撫州居住

丙戌衛涇瑞明殿學士

簽書樞密院事

臣中奉大夫試御史中丞侍讀

丁亥兼權承知政事

簽書兼參政制

曰朕數求碩望協濟弘圖陸賁入

而交平勃之驩密贊安劉之計四凶去而舉元凱之美適求佐舜之功偉
文武之兼資總治民之庶務屬精更始錫命維新其官銜涇碩大光明闕
深疏達學賁天人而守之彌約氣塞宇宙而養之愈深永阜陵之臨軒登
登龍首予冲人之嗣服晉立端頭顧枉尺之不為曾進寸之莫計引帆一
去掃軌十年障西風元規之塵初何求於斯世起東山安石之夢未免為
於蒼生惟久窒而斯通故雖退而愈進視草分章於雲漢持荷振武於文

昌。追欲除心腹之憂。嘗與膺表裏之託。志不持於首鼠。機爰決於投龜。夫日居然。開明山岳為之搖動。威聲霜霰。震蕩水銷。犬慰輿情。遊潛柄用。極環四輔。仍通紫殿之班。日贊萬機。默幹洪樞之運。啓沃九天之上。彌縫兩地之間。成道德之安。操底華夷之綏。靖憲治道。在知邪正。朕既無疑貳之情。執政其猶股肱。卿其效翼為之力。一人以儔。萬世有辭。涇字清叔。崑山人。

十二月辛酉。錢象祖。右丞相兼樞密使。自奉知政事。使正奉大夫兼國用使制曰。勅文。易轍改絃。愈信姚崇。應變之妙。乃贊建儲之盛典。乃審和戎之良圖。平心以公。人物之權衡。飭身以肅。朝廷之綱紀。更張甫爾。成畫粲然。固知專任以東鈞。其可尚虛於宅揆。雖功名之際。謙虛知出於至誠。然平治其誰推擇。雖遷於眾望。茲推遷於次輔。仍晉掌於中樞。稽諸陟。文加以峻秩。併衍戶封之入。丕昭眷寵之隆。於戲。論一相而百吏。鄉方誰敢輕於圖任。安中國而四夷自服。其益懋於彌綸。予以張道德之威。予以收仁義之效。勉膺重寄。深體至懷。

壬戌。衛涇雷孝友並參知政事。涇。日登書樞密院事。隆孝友。司御史中丞。除史彌遠同知樞密院事。自禮部尚書除兼大子省憲。

林大中端明殿學士。簽書樞密院事。自吏部尚書除。考友字某信州人。彌遠字光叔。宰相浩之子。大中字和叔。永康人。大中嘉定元年六月卒。

已。以疾致仕。在樞府六月。嘉定元年戊辰正月壬辰。史彌遠知樞密院事。自同知樞密院事除。六月

辛卯。兼參知政事。制曰。朕惟贊大事者。厥功甚茂。成茂功者。其報必豐。

矧惟國任。以登賢匪直。疇庸而計效。肆驟親擢。數示序遷。其官史彌遠。沈

靜有謀。能斷大事。謙卑自牧。罔居成功。忠孝一心。勤勞庶務。襲相門之積

慶。為王室之世臣。粵從常伯之聯。晉陟樞庭之貳。爵不踰德。官莫酬勲。人

望愈高。輿論尚鬱。瞻言斗極。雖並銓於璇璣。號猶相尊。實有嚴於魁柄。宜陞

班于省臺。用贊治于弼諧。併銜戶封。仍門侯國。益昭寵數。增畀重權。以成

道德。安強之威。以壯精神。折衝之奉。輔元良而正萬國。卿既竭於丹誠。運

籌策以制四夷。朕式觀於妙算。躋榮奕葉。繼踵前聞。彌遠乞官觀劄子。

先臣浩在孝宗皇帝朝。為宰輔日。力贊和盟。逮今四十餘年。南北安妥。屬

者兵連不已。民罹塗炭。臣上念朝廷講好。息民之舊。下思先臣盡忠謀國

之規。恭稟睿謀。首除禍本。幸念訖成。和議小使已還。疆場之事。漸獲平息。

況儲官肇建。國體尊安。乞解機政。不允。

六月乙亥。衛涇縣參知政事。自祐明殿學士太中大夫。除資政殿學士知
潭州。制曰。精神折衝。允屬元戎之寄。股肱宣力。無如舊弼之圖。其責重。
故選任不輕。其望專。故體貌亦異。驛頒褒結。增賁藩符。其官銜重。等而
閎深。溫純而直諫。懷珍久晦。經綸富有於宵中。政慈既更。風采嘗聞於天
下。越陪國論。茂簡予衷。進務寅恭。贊鹽梅於商鼎。退全明哲。視香火於漢
祠。朕方興共理之思。卿可袖旁觀之手。曉言巨鎮。冀若長流。潢池甫息。於
繹驪。全楚尤資於綏撫。載疇碩德。式昇隆名。仗元帥之權。借重十連之勢。
亞紫宸之秩。均聯兩地之華。以示眷懷。以光委注。噫。申伯之憲文武。用作
式於南邦。賈傳之陳治安。埒見思於宣室。往撫所編。毋薄此行。涇自開禧
二年十一月。除簽知樞密院事。十二月。除參知政事。是年六月。罷。執政。凡
七月。

七月癸丑。丘岳同知樞密院事。制曰。朕延登舊弼。協濟丕圖。總數路之
權。效已彰於制閭。贊五兵之要任。宜與於經邦。誕布明綸。式孚公聽。其官
丘岳。精忠許國。偉業濟時。勞在三朝。昔備更於夷險。望隆一世。今允繫於
重輕。自復寄於面都。實統臨於方面。先聲甫震。外侮自消。克全道德之威。
遂底和平之福。遙陞清晏。朝野歡愉。朕惟君明臣良。必儆戒於無虞之隆。

通安遠至當豫防於既濟之餘。刑軍律之未明且人心之易急匪資識慮
曷足規模疇績用於行臺。還老成於省府庶幾衆正相與同寅。以培不拔
之基。以建久安之業。噫。數文德而舞干羽。方永念於興康。用吉士而詰戎
兵。尚深期於勸相。其據所學益究爾庸。密自資政殿學士通奉大夫。知
建康府江淮制置大使。召除。未至。閏八月辛未。以疾奉聞。奉旨與轉一官。
守同知樞密院事。致仕。更化初。詔除公資政殿學士。知建康府。尋改江
淮制置大使。兼知建康府公。屢辭不允。時和議未定。淮漕招集邊民。號雄
淮軍。多至十萬餘人。其費甚夥。而所招極清雜。公奏准東人數頗少。淮西
一路乞精加選。刺別立一軍。悉如大軍之制。直隸御前屯。淮南以充守禦。
餘悉汰去。詔公選官同淮漕張鍊將淮西雄淮軍。除額歸農外。揀刺為御
前武定軍。以三萬人為額。兵既強壯。費復減省。朝廷與虜相聞。則必用公
姓名。通遼城虜帥書。蓋上意欲虜知公援用耳。公頃張檀。虜境知其為中
朝第一人物。其後使命往還。多及公姓字。兵交以來。小使屢達。復問公起
居甚悉。和使既通。虜退。即上章丐歸。六月。有旨召赴行在。仍許以制司職
事入覲。時淮民深軫宸慮。雖召公還朝。欲使仍領使事。居中制外。以充施
設。公以疾力辭。還家侍命。疾益甚。復祈免召。上益遣公。未就拜。同知樞

密院事且將遣中使宣押公病中愈不自安猶口授奏檢辭謝上始諒之欲賜寬吉養疾詔曰載覽封章備陳疾狀使剪鬚而可療亦所當為儻賜几而肯來自應增重君臣之間蓋千載一遇而公盡瘁不能承承矣疾革再上章納牒八月四日薨年七十四守同知樞密院事致仕積階正議大夫道奏閭上震悼輟視朝贈資政殿大學士金紫光祿大夫行次

八月辛巳姜機同知樞密院事自禮部尚書除兼太子賓客樞密院事自吏部尚書除兼太子賓客機字彥發嘉興人鑰字大防慶元人

十月丙子錢象祖左丞相自右丞相除持遣左丞相兼樞密使兼太子少師史彌遠右丞相兼樞密使自知樞密院事除通奉大夫右丞相兼樞密使

兼太子少師象祖左丞相制曰家宰佐王邦國總六職以居中上相顯面正朝冠三台而垂權養子次輔時乃世臣既丕迪於鴻勳宜進持於魁

柄誕揚制綽數告廷紳具官錢象祖簡靖而粹和沉深而肅義寧窮閭異非先王之道不行才懋經綸以天下之重自任蚤踐疑丞之列深圖社稷

之安屬姦孽之弄權幸還臣而啓聲馳伊吾之北爭為焉武之大言伐遼水之東獨有遠良之力諫身雖隲於讒口忠心實簡於朕心逮趣召以過歸

益服勞而匪懈。密被剛斷。訖除共繇之山。明辨正邪。盡剪佞文之黨。威柄
復收於王室。耆英畢萃於朝廷。若時共政之國。已見厥功之茂。肆瞻重望。
俾幹洪鈞。平心以酌國論。之是非。虛己以公人才。之黜陟。定東儲之位。七
毫有歸。締朔漠之盟。甲兵盡洗。得持美效君之體。有正容格物之風。用能
期月之間。盡革積年之弊。茲登庸於左揆。仍領使於中樞。冀我元良升亞
維師之重。躋時顯赫。特超賜位之榮。凡度越於常。冀示益隆於眷注。申陪
多邑。併衍真禽。疏寵既優。仰成深切。朕方厲精而圖治。史化以宜民和好。
雖修教忘備豫之政。流離甫定。冀聞安集之期。公私欲底於阜豐。風俗思
還於醇厚。邇厥本原之地。端繇鼎軸之司。惟竭誠盡瘁。可以濟多艱。惟愛
日惜時。可以建長業。庶迄臻於康乂。用永保於安強。於戲尹湯一德以專。
天斯膺眷佑之命。丙魏同心而輔政。迄底中興之功。朕方懷兢畏之誠。爾
亦有寅恭之助。勉收已成之效。益薦無疆之休。陳晦詞 彌遠右丞相制。
曰上天之主賢。佐實縣宗社之休。故國之有世臣。置繫朝廷之望。眷時英
傑。懋著勲勞。爰參輝於師虞。俾進熙於帝載。誕揚坦制。孚告庶工。具官文
通。連廣博而純明。忠和而亮。直允文允武。獨高經世之全才。惟孝惟忠。備
著立身之大節。學深窮於道要。智洞燭於幾先。與繇甘泉。替案之班。首任

青宮羽翼之寄。罄爾謀猷之告。碑吾父子之間。海潤星輝。增光儲德之茂。風飛雷厲。發贊主威之強。成大功無徒蔭之淹。去元惡甚摧枯之易。國本於焉安固。朝綱賴以肅清。肆時厥庸。亟授之政。國事撥東。東西並翊於鈞。樞。偃兵息民。南北復修於信誓。杜群枉以開衆正之路。建大政以興太平之端。合中外以調娛。官府俱為一體。隨短長而汲引。賢能立於本朝。雖卓乎底績之已高。每退若欽承而自下。朕綸懷先正。作輔孝皇。服勞王家。績紀太常。而水耀冠位。群后慶流。後裔以愈光。勲業相望。典刑是似。茲方艱於論相。顧無易於衆賢。昆命元龜。使宅百揆。總樞機於宥府。式脩慶曆之規。傳德義於承華。併酌天禧之制。兼爵秩畬租之益。示寵光體貌之優。今邇遽甫息。而內治當修。民力既殫。而邦財未裕。鰥寡尚憂其失職。薦紳或歎於鄉方。凡茲康濟之圖。倚乃弼諧之地。惟應變可以成天下之務。惟同心可以致海內之安。庶及有為之時。迄臻無競之烈。於盛為君難為。臣不易。蓋今古之所同。厥考室厥子肯堂。貴功名之克紹。朕嘗復斯言而景行先哲。爾惟明乃訓。而追配前人。勉德壯猷。奚俟多告。陳晦詞。 彌遠十一
月戊子。丁母憂。

同日雷孝友知樞密院事。兼參知政事。自參知政事院

要機參知政事。自同知樞密院事除

樓鑰同知樞密院事。自奉書樞密院事除。並兼太子省客。

十二月丙寅錢象祖罷相。除觀文殿大學士判樞州。象祖自開禧三年

十二月拜右丞相。是年十月拜左丞相。是月罷。在相位一年。

嘉定二年己巳正月丁巳。樓鑰參知政事。自正議大夫同知樞密院事除

章良能同知樞密院事。自御史中丞兼侍讀遷中大夫除。

宇文紹節端明殿學士。簽書樞密院事。自通議大夫執史部尚書兼侍讀

除並兼太子省客。鑰參知政事。制曰朕儀圖治道。率額俊工。念樞席之

虛。端方賴群工之共政。顧率塗之陪。感可稽元老之疇。庸肆綸誥之誕敷。

表宵明之衆會。其官樓鑰行夷以粹。學傳而通。道足以任天下之重。而養

之以虛。學足以周當世之務。而持之以拙。在靜退之日。每怡然而自適。暨

進用之際。亦泊乎其無營。儼萬方之具瞻。置一時之碩輔。爰登廊廟。少展

經綸。議論正平。付是非於衡石。精神密勿。察治忽於樞機。屬兩相臣虛位。

而弗居。與二大老分鼎而並立。既同志而合道。方協恭而和衷。然語更化。

則未覩惟新之功。論為國則高懸小康之效。非大儒之柄任。豈平治之可

期。庸釋兵權。晉參國策。併加異數。仍衍真食。於昭體貌之隆。式示倚毗之

重噫惟后非賢不。理實通於古今與治同道則興特寧分於彼此往彈
素臨庸副至懷。銓以嘉定六年得請歸田里尋卒。

良能同知樞密院事制曰朕登庸髦哲務致隆平雖甲兵之問不至廟堂
敢忘遠略而儲副之友必得英俊匪廢良規爰推貳於西樞仍作賓於東

萊其官幸良能直方而剛大肅括而宏深代言之文有倚馬之立感應務

之材無全牛之可見獲於上而有道施於下而必隨忠鯁所形撰逆鱗而

弗忌法守是執溫群小而不移周旋百為孤立一意持衡銓部盡嘉冰鏡

之清執法憲臺共快鷹鷂之擊顧乃直而不訐嚴而不苛雖微獄市之容

姦亦靡弦孤之虛發眷通材之有此豈柄任之可稽庸采僉言晉陞近輔

惟一賢足以制千里而元良所以正萬邦允資善陞之謀更藉儲闈之贊

既已成非常之寵是宜膺不次之隆仍進崇階庸昭異渥噫觀元結中興

之頌朕寧忘祖武之繩誦文王世子之書爾其惟吾兒之輔良能字達

之安吉人。

紹節簽書樞密院事制曰鴻樞儲貳正有賴於壯猷青萊作賓尤式資於

鉅德肆陞華於秘殿庸增重於機庭其官字文紹履粹而行方才宏而

業鉅家傳忠義想喬木之蒼然學有淵源挹洪流之湛若風采綽乎而是